

岡寺封事

孫男佐節較

金雙巖中丞集

岡寺封事

欽奉上傳

經制當遵

京營需馬

中外請給



岡寺封事

目錄一

金雙巖中丞集

南譙金光辰天樞甫著

男輝鼎較

問寺封事

為欽奉

上傳事

臣於本月十六日荷蒙 聖諭令各陳所見

天語垂問禦口救荒安民三事臣等鵠立捧讀

聖諭令各陳所見臣等神退省滋媿茲奉

上傳著閣臣傳與侍臣等將昨日面對條議

不許增減更改各自具本來奏欽此謹將面奏條議憶述

問寺封事

欽奉上傳一

上聞臣奏自古敵人爲患未有屢次入犯狡焉肆志如今之猖獗者於斯而講禦之之道必先有以待其來然後可以使其不來況今已在義州耕牧爲謀叵測致塵

聖主宵旰憂勞以臣愚料其謀有三一則窺我八城安冀

進一步前一步以闖撤我藩籬一則關外沙礫一望曠野苦無水草可依欲圖占種我土爲不時伺動之計一則此時天熱尚非其時先以遊騎擾我疲我兵力懈我軍心勁卒還在其後直待秋高馬肥或以一枝綴宣人或以一枝綴薊門分蹕人犯可慮不小今督臣整師出關與關外督撫鎮諸臣互相聲援伐其狡謀不爲無見然亦在急急上

緊恐轉盼秋高仍闖宣大薊門山後一帶則關門之師已出而我兵在外彼更有匪茹的念頭更望皇上勅諭鎮

將諸臣著實用心防守務使匹馬不入守之暇當與戰之勝同功其間公賞罰明哨揆或用火攻車陣等項備禦戰守相資設奇制伏總在邊臣因時制宜臣亦不敢遙度至

於救荒全在撫按撫按果能一清持已實心任事小民未有不實受其德者撫按以察吏安民爲責匹夫匹婦納溝之恥都是臣子的事問民疾苦而疾苦莫先於饑荒望

皇上寬以文法如一切奉行勘劄宜在所緩除重大事情詞訟一槩不准惟以救荒爲第一義單騎多方軫恤不擾

驛遞不驚地方實落去做并以招撫流移又患催科太迫  
招之實所以驅之更望 勅下戶部寬撫按叅罰此是兵  
荒地方他處不得援以爲例議蠲議賑屢荷

詔諭又何仰益高深但下面有司奉行不善止是空文搪  
塞雖奉 旨蠲免而蚤已派徵愚民不曉文理只是有多  
少納多少及奉蠲免之文吏胥都沈閣不行此總在撫按  
徹底清察實做此際物價騰貴不獨米糧卽百物俱貴蓋  
京師者百物之所聚也百物之來無非水陸兩塗今天旱  
不雨水是涸的舟楫不通陸路又饑饉載道盜賊阻塞此  
是物價騰貴之故維是咫尺

天顏深切悚惕徒抱芹悃無以自將謹憶其槩如此因退  
思從古帝王修德行仁自能致治太平今荷

皇上上倦注安民德之大仁之至也惟此一念甘澍立霑有  
不民康物阜內輯外寧者哉 臣一介微庸蒙 恩起陞游

歷今秩緣少卿張宸極請假未任濫竽代筭罔秩所關有  
懷欲奏因奉簡切之 旨輪對及 臣時已燃燭誠恐

聖躬過勞跼蹐不遑未敢冗瀆於  
明諭所及之外容另補牘以 陳

崇禎十三年五月十八日謹 題 月 日奉

聖旨

罔寺封事

欽奉上傳三

爲經制當遵通融宐酌敬補牘上陳以昭典則事

臣前荷 召對願竊有陳凜於

明諭未及不敢冗瀆業經疏奏寤寐以思終難嘿者竊以  
祖宗成憲世守無敝忽爾紊更所關職掌猶小所關  
典章實大也軍戎大事馬政爲先

祖宗經制詳載 會典罔政諸書案察洪武中廢牧監令  
民間率牧養馬止江南江北永樂中令北直領養宣德後  
乃及山東河南又順天等府屬寄養備用馬專爲防護  
陵京之用計地編戶舊額五萬六百餘戶除嘉靖等年奏  
減實編二萬一千八百五十餘戶獨昌平豁免蓋以

陵寢所在餘雖近如宛大兩縣亦不能免寧存空戶之有餘以備寄發戶之不足也萬曆二十年懷柔固安申呈欲行減革罔寺議回兵部題准不行誠有見於馬政重大不敢輕議矣近准寺臣曠鳴鸞關奉兵部劄稱議覆昌平督臣題爲請恩通融設餉犒給鄉兵事內開順懷馬戶改供兵犒有據罔寺冊報等語夫兵部實未以此劄會及寺也所據者豈巡冊耶抑奏繳冊耶再覩督揭并以兩縣寄養馬匹請矣臣職司東路所當執奏但已奉

明旨自聽部覆因關寺臣備呈樞部務在不以一時權宜失萬世長策或令別項區籌或俟事平還舊昌平督之請爲陵寢計而臣寺之爭亦爲陵京計也況係順懷鄉兵原非昌平可比哉鄉兵乃有司事該道縣綢繆寡術至舉

祖宗經國訏謨而紊之無是理矣臣因是有慨於

祖制之不可更也先臣葉淇變屯鹽之法亦云通融目前彼時無人執爭遂至極敝難復馬政所關不啻屯鹽臣若隱嘿則罔誌所載順義養馬地一千九百二十餘頃懷柔養馬地一千三百六十餘頃之牧額一旦捐去將來有執國家經制以爲疇實理此漠無一言臣諛何安臣誓滋大況近畿州縣誰非

皇上赤子此去彼增苦且益倍名爲蘇困實以加困名爲

設餉贍兵實以因兵廢馬幾經口患經制未改今寄養皆有鄉兵之地效尤囂動漸何可長始謂借空戶以飼兵既也并索馬而空戶卽以昌鎮論固有額設馬價迺別取縣馬而空廐歸之則年來倒死退印捨失未補者更當何著臣 硜拙成性不敢不爲職掌言更爲 典章言也伏惟 聖鑒勅部一并察覆裁歸至當施行

崇禎十三年五月二十日具 題本月二十四日奉

聖旨該部一并看議具奏

爲京營需馬甚亟俵解積欠不前謹據實察叅仰祈

聖鑒事

臣 駑駘下質承乏罔丞協理東路馬政又兼少卿篆務敢曰臣 代庖也可尸素滋媿乎 國家馬政最重近因請討日繁京營缺乏之心切憂之各府俵額原定但歲有稔歉地有瘠饒兵燹靡嘗蠲折不一完解雖多欠復不少

功令俱在若不實爲清覈將騰驤何日集貔貅何日壯乎臣 自任罔丞以批文混淆關請疏分職掌奉有

諭旨察多未銷批迴兩次牒移少卿察覆在案中有陸續完者亦有已完而收管實收未投原批未銷者當行管馬

罔寺封事

京營需馬一

官察報既膺署事敢不矢志清理因覈欠額察批未銷亦多檄催不應則何能已於糾察也內除蠲畱不開并十三年完欠另矣本年舉劾外察得崇禎六七兩年分嶧縣欠馬十二匹又欠馬三十一匹八年分汶上等縣欠馬七十二匹九年分唐縣等縣欠馬一百六十一匹十年分趙州城武等縣欠馬三百四十四匹十一年分安州慶都等縣欠馬五百九十九匹十二年分祁州蠡縣等州縣欠馬九百八十四匹此逋數未解者也更有已解驗中而私逃者如唐縣十一年正月烙發俵馬九匹寄豐潤該縣申稱不到董文仕等馬五匹蠡縣十一年九月烙發俵馬九匹寄三河該縣申稱不到李芬等馬四匹鹽山十一年十二月烙發俵馬二十二匹寄大興該縣申稱不到張朝顯閻坤等馬七匹藁城十二年六月烙發韓國政馬一匹兌勇衛營至今該縣實收不報屢經前任少卿提催至臣頻催褒如克耳止於本月初十日有藁城申稱馬候補兌藉口原役遇口蠡縣申稱馬係另買原役被口殺傷其餘一任胥吏沈捺官同木偶則收管實收未投原批未銷可不問乎近又有商河縣馬發平谷不到李景琚等馬二匹涇澤縣賈應龍馬責令兌營將馬棄店潛逃票行該縣察究尚未回報前少卿臣劉宗祥於冬叅欠馬嶧滕等六縣奉



旨降級 欽限正月已內雖後亦有撥兌而完解無期是  
又當遵 旨另參重處者也統乞

聖鑒勅部覆覈將欠馬各州縣及管馬官分別處分并行  
各該撫按察催嚴提各馬科吏書詳究沈捺情弊具奏庶  
依解清而營伍實矣

崇禎十三年五月二十日具 題本月二十四日奉

旨兵部知道

爲中外請給無已罔馬匱乏可虞敬明職守并參欠  
額以肅馬政事

切惟戎馬國之大事隸在罔寺原備 神京根本之用非  
爲邊鎮設者案察崇禎四年五月內兵部覆准總兵鄧玘  
討馬二百九十二匹該前太僕卿臣鄭宗周執奏數次一  
奉有罔馬例不給邊與自後別鎮不得紛紛請討之

旨一奉有各邊鎮還著設法措處市馬贍用不得紛紛奏  
討有妨罔政之 旨且曰外查不報內請日繁殊非經制  
洋洋 聖謨有見於罔政專護 陵京爲萬世根本計者  
不濫且遠乎 臣等洎任代篆以來每事致詳如儀解則勒

限嚴催寄養則巡烙必覈且設簿以稽贖息刊單以稽收  
管復票行各州縣清查歷年批迴實收何以不銷不報在  
臣等可徑飭者自其本職不敢贅陳第額派俵馬兩路數  
不滿萬請討紛紛大非舊制不得不言以信

明綸以重職掌昔年敵警無聞邊烽寧謐發寄備用猶有  
餘近來外孽蠢動寇氛未平請討日侈則不足且被搶失  
倒苑未補朋償折價日煩部議此皆消耗之原額也殘破  
州縣蠲免本色二分十二年之缺數若是而災荒郡邑分  
別寬限三冬十三年之愆期又然節年拖欠不下數千文  
徵頻催何啻穎禿如山東滕驛二縣自崇禎六七年起各  
欠三四百匹有奇幾經白簡奉旨撫按嚴追具奏前年

少卿臣劉宗祥亦將滕驛等縣 題參 欽限正月雖亦

有撥解者其餘因循如故牌行各馬政廳官轉催匝月尚  
無以報至連年督師扣畱與夫近日勦寇外兌河南空廩  
以予山東撥去強半再如薊保督臣與真保督臣并各鎮  
臣等相繼請討不一而足將來之繼請者又不知其幾也  
近奉兵部劄付京營缺馬萬餘需用急如星火 臣等日夜  
焦思苦無以應外實內虛舍已芸人經制職掌謂何伏乞  
聖明垂念 京師根本 勅下該部遵查歷奉

明旨飭定畫一之規至於拖欠馬匹除 臣等牌行馬政官

外備開兵部以憑核催仍乞 勅部察覆將各拖欠州縣  
及馬政廳官分別多寡有無災疲議處并前參滕驛等縣  
何以違限數月竟無報完重加處分施行

### 冏寺封事書後

往之官廷正冏寺者率以冷曹眎爲臺省謫移借  
階耳先祖繇臬幕而遞官之歷一任務盡一任之  
職掌釐定驛遞條例親錄點註未常胥史委也明  
官守不敢以精微上呈而草率從事遵典制不敢  
以牧監額規而那假通融編有定式固見嘉謨嘉  
猷而手澤所存尤稱銀鈞鍊畫節等嘗目在之益  
當世世永守勿替焉孫男佐節識

鹽司封事

曾孫男蒲較

金雙巖中丞集

鹽司封事

為題知事

題知並陳

察參冒替

郊禮告成

仰承明諭

金雙巖中丞集

南譙金光辰天樞甫著

男輝鼎較

璽司封事

為題知事

本月初六日輪臣入署恭值用寶之期臣會同尚寶監

臣於皇極門恭用親親勅命廣運丹符寶共

二十二顆又

御封請用

御前之寶大小共一千四百顆訖尚寶監臣捧欽頒

勅二十道臣察係空白踈踏未敢復監臣奏明稱奉

璽司封事

為題知事一

上傳臣謹同監臣遵用 小勅諭之寶二十顆訖臣職司  
典璽謹此題 知

崇禎十三年十一月初七日具 題本月 日奉  
聖旨知道了空勅用寶原係備用

為題 知并陳愚悃事

本月十五日該臣直期恭聆傳臣衙門用 寶隨趨詣

皇極門會同尚寶監臣請 寶用間跪展得 勅書共二  
十道俱係空白未有撰文臣惶仄靡寧據監臣云遵奉

上傳不敢稽違謹用 小勅諭之寶二十顆訖案炤去年  
十一月初六日輪該臣直恭遇 發下空 勅二十道心

切凜惕曾經 題明奉

聖旨知道了空勅用寶原係備用欽此臣以

璽書所繫甚重祇遵備用 明旨不敢不仍前題

知更祈 睿炤空 勅當慎嗣後遇有宐用 勅諭

特頒紅批數目以便遵行事關職掌休茲  
龍章有赫敢不倍加詳恪統惟

聖鑒并陳愚悃謹具題 知

崇禎十四年九月十六日具 題本月十九日奉

聖旨空勅批頒數目知道了以後空勅用完著尚寶監具  
本請數表旨後會官用寶著爲例該衙門知道

題爲察參冒替守衛以重職掌以肅 禁地事

本月初六日該

臣

入署點直輪該帶刀各衛指揮書字察

有府軍左衛指揮劉天弼不到係千戶劉進賢代替通州  
衛指揮楊秉忠不到係指揮韋銘代替大興左衛指揮孫  
繼先不到係指揮吳棟代替隨行各衛掌印官確察以憑  
彙叅此猶曰以官代官也又察有通州衛指揮張三才不  
到僱人代替詢其姓名稱係原任千戶王永忠又稱係平  
民李安語言轉換 臣聞之不勝詫異夫卽官替已非法矣  
豈有平民可冒官守衛者乎當令 臣衙門聽差官王國輝

認識將李安押發中兵馬司羈收移文兵部車駕司確察

姓名有無守衛並票行通州衛掌印官覆查於本月十五日准 皇城巡視兵部車駕司主事呂陽手本覆稱准貴司移察隨即行衛確察據該衛印官彭應乾回稱張三才係本衛帶刀指揮其王永忠李安本衛遍察並無此姓名本司復行備察旗手等衛二十衛所守衛官係本司管轄若各衛帶刀等官則隸中府稽核雖均屬衛官於中職掌有差難以票行拘質等因到 臣該臣 看得守衛重務祖宗規制甚嚴卽勲爵金吾以及衛所指揮千百戶把總等官凡係上直俱赴司驗牌畫字各衛所有官無牌與有牌無官者俱不准作到當堂登簿有歲終彙叅之例誠重之也不謂代替滋習且有身非世弁而詭冒其間者雖據口供爲貧所使倩覓數錢以糊口固無別情而宿衛禁地關係非輕法難姑貸據車駕司回覆並無王永忠李安姓名其爲詭冒明矣各該印官除府軍左衛回稱劉天弼以父病遲悞外其餘催取回文尚未有報理合先行題叅伏乞 勅下兵部嚴提正身覆察真確分別處治庶守衛肅而怠玩儆矣



爲 郊禮告成臣工胥慶謹請一體敘錄以展

皇仁以隆 大典事

竊以夙夜敬共者人臣奉職之本然而 大典欣逢備員  
侍從大小寮案罔不齋心虔事以仰贊 明禋淡佩我

皇上以 玄穹有格之忱造粒我烝民之福 德彌霄壤

歡洽臣民夫宗廟之中有事爲榮况 臣等所奉者 乾符

所導者 法駕祥擁 六龍之御瑞叶 萬寶之成光依

禁近喜溢尋常案察司符紀載凡 聖駕詣 郊壇行大

祀禮例與扈蹕諸臣隨 駕從寶又該尚寶監臣奏奉

明綸以後凡遇親行祭祀俱炤 天壇例請寶隨侍欽此

聖司封事

郊禮告成一

臣等職司 典壘待漏齋直前驅導護罔間寒暄恭值  
四郊祈穀諸典禮匝歲而全觀其盛追隨

翠蓋晨夕趨踰惟有忭頌 聖天子敬 天勤民之洪庥

競駿奔以恐後固與太常光祿鴻臚諸臣均屬執事之末

扈從之班者茲部寺各衙門與金吾扈侍御史隨從槩經

題敘 臣等職掌相同而護 寶於事尤重除尚寶監應聽

該內臣察敘本司卿臣李 巳敘入光祿衙門及事故

者不敢贅列外察得十二年 南郊十三年 東郊從

寶則卿許 沈 原任司丞衛景瑗也十三年北郊從

寶則卿許 沈 司丞沈原任司丞衛 也西郊從

寶則卿許 司丞金 沈 也南郊從 寶則卿許

方 司丞金 沈 也十四年祈穀從 寶則卿許

方 司丞金 沈 也 臣等躬逢 盛事何敢言勞而

大典幸瞻實難獨外業經察開職名移送禮部轉咨銓敘

謹循秩上 請伏乞

聖鑒勅下吏部一併議覆施行

爲仰承 明諭敬瀝赤悃以貢 採納事

前荷 名對職以隔於班次未敢越奏恭誦 聖諭仰見

皇上納諫虛懷不減懸輶設鐸之美因思數年來積沴干和災警竝至皆臣下不職所致亦臣下不言所致也宋用王安石立新法時若新奇可喜而在位多逢上意附執政不言其非遂至怨讟交作民窮盜起及用司馬光諸賢釐正之海內喁喁望治又以有初鮮終不得竟正人之用踵其敗轍而弗之變宋遂以弱當日亦誰知言富國強兵者之反以瘠國潰兵也哉恭繹 天語及利民救時裨治補闕數者開款送閣彙奏夫此時無所以利民爲其救時者

卽所爲利矣無所爲裨治爲其補闕者卽所爲裨矣不似宋之新法倏罷倏行斷斷於親賢遠佞而已矣往日執政如薛□□等美其名以歆

聖聽者不曰保民四事乎由後視之非保民乃害民也夫人家必有餘貲然後可言興作必有餘粟然後可言周賕

臣非言城不宐修兵不宐練也穀不宐儲器不宐備也若每月一報月月彙報則有司階爲之厲矣城豈空中樓閣乎兵豈象人芻馬乎穀豈量沙器豈紙上乎非厚爲積貯不能行也有司迫於功令暗派民間虛文搪塞追呼滋擾而民化爲賊則賊盈城也兵盡賊也米粟器具皆賊資也四事何在乎至練總爲舉則又甚矣所宐首革者也此外換授宐革百姓之肉不可以飽強宗也私派宐革無藝之求更非可比正賦也僉報宐革報馬報差報夫役等種種名色富者貧而貧者逃逃者死也濫罰宐革罰銀罰粟罰輒灰等種種款項妻子鬻而室家離性命捐也更有厲民者部派無勦餉止有練餉則勦餉在練餉中而有司徵練餉混徵勦餉則勦餉又在練餉外此不宐清覈明頒勅諭乎輸助原鼓好義而迫勒以取盈事例聽人自便而差拘以攫賄 陵工樓工事告竣而銀猶徵水稅陸稅官私抽而篋爲胥且若官有定職則業有專營百姓不苦將

送之煩 朝廷得課殿最之實今席未暖而忽移手甫習  
而又易非所以飭官方也兵有定數則餉有成額庶出入  
確無旁溢之孔什伍得享飽騰之利今卮多漏而不塞腹  
既滿而仍呼非所以教足兵也諸如此者亟加綜釐救時  
卽所以利民補闕卽所爲裨治至於勸農桑興水利議蠲  
恤慎刑獄崇分義明賞罰擇守令公舉劾而總之在辯賢  
奸疏言路復 典制信詔令悉滌繁文全遵王道一返從  
前苛弊嘉與更始民存則盜去內治則外寧聖人言卽戎  
言勝殘去殺而必曰善人教民善人爲邦者端不外是若  
曰粹難剔而姑仍之知其害而不變其法苟且目前而不  
思長治萬世則 諭旨雖切奉行實非不幾負  
皇上求言之意而瑟不更絃望有和聲乎哉 愚昧無識  
聊撮大端仰備 摺擇事關民生字稍踰限伏冀  
聖明鑒納施行

璽司封事書後

璽符之司往亦冷曹疇已 烈皇帝於己庚辛歲  
四郊祈穀全舉其盛官是司者例與扈蹕諸臣隨  
駕從寶先曾府君實與西南二郊祈穀之典察冒  
替而嚴肅守衛謹空勅而請頒紅批凜然於龍章  
之有赫惕然於虎賁之非躬雖云三轉丞郎獲從  
卿貳之後得次清問之班是又諫行言聽之一大  
會也先公愼齋府君於焚草之餘手編盈帙啓筭  
展讀不禁潛然曾孫 蒲 敬識